

Apwosun COVID-19 me tumwunun manawen koupw semirit

Aninnisin Penuwen Kapas Eis Ren Ei Nesen

Ese wor ngawan ach sipwe tipemwaremwar ren ifa usun an ewe apwosun COVID-19 epwe ousukosuka tumwunun manawen koupw semirit. Ewe Centers for Disease Control (CDC, Ofesin Nemenemen me Pinepinen Semwen) aa pesei ewe apwosun COVID-19 ngeni 6 maram feita, pwan pachenong ekkewe iir mei sossot ar repwe pwopwo iei, ika ekkewe repwe tongeni pwopwo non kan ran mwach. Ese wor pisekin pwaarata pwe ekkewe apwosun epetin samwau, pachenong COVID-19, mei tongeni ousukosuka angangen pwopwo ikenai ika non kan ran mwach.

Ekkoch chon annea resapw kinamwe ren ekkoch mettoch mei affat non ei nesen pokiten weiresin ar resin sossot ar repwe pwopwo, osukosuken ngawan nikinikin aramas ngenir faniten iir chon ian, ika ar rese afani ar nanangaw faniten manawer pokiten iir fefin/iir mei ewinireno ngeni mwan me fefin/paitoku, non ekkewe nenien safei.

Katon fan omw kopwesinei penuwen ekkoch ekkewe kapas eis faniten ewe apwosun COVID-19 me tumwunun manawen koupw semirit.

Kapas Eis: Mei tongeni osukosuk ai tongeni nounou ren ewe apwosun COVID-19?

P
e
n
u
w
a
n:

Ese wor pisekin pwaarata pwe ekkewe apwosun epetin samwau, pachenong apwosun COVID-19, mei ousukosuka ika angawa an emon epwe tongeni nounou, ese pwan nifinfin ika ir mwan ika fefin. Ekkewe apwosun epetin samwau rekan angang fengen me an inisich menun fiu ngeni samwau ar repwe fiu ngeni ewe menun coronavirus iwe ese pwan ousukosuka ekkewe masowan non inisich rekan fori ika efisata emon mwonukon. Non ekkewe nenien sossot me kaio ngeni apwosun COVID-19, pwan non ekkewe nenien kaio ngeni an ekkoch pwupwunu sossot ar repwe nounou, mei chek nenne fengen ukukun fefin mei pwopwo ren ekkewe mei apwos me rese apwos. Ewe apwosun COVID-19 mei eoch pwan manaman. Ewe [Centers for Disease Control and Prevention \(CDC\)](#), [An chon American College of Obstetricians and Gynecologists \(ACOG, Merika College Faniten Tokterin mei Pwopwo me Tokterin Pekin Fefin\)](#), [me Society for Maternal-Fetal Medicine \(SMFM, Mwich Faniten Safei an Inenap me Mwonukon Non Upwan\)](#) ra pesei ewe apwosun COVID-19 ngeni ekkewe aramas ir mei pwopwo, oupwo nour, ika aneanei ar repwe pwopwo.

Katon ei link omw kopwe rongorong ngeni Dr. LaSalle ika pwata mei pesepes ewe apwosun COVID-19: [Angangen Pwopwo me Apwosun COVID-19 - YouTube](#)

Kapas Eis: Ewe apwosun mei tongeni siwini fetanin ai semwenin maram?

P
e
n
u
w
a
n:

Mei wor ekkoch chon angei ewe apwosun COVID-19 ra repottei ekkesiwin non fetanin ar semwenin maram mwirin ar angei ewe apwos, mei tamenon ranin ar semwenin maram, mwochomocheno nefinen ar semwenin maram, ika watte kusun cha seni akomw. [Non eu pekin kaio ngeni non ei 2022](#), mei pwaarata pwe ekkoch chon semwenin maram ir mei angei ewe apwosun COVID-19 ese nap seni eu ran tamenon ar semwenin maram otun ar ewe angei apwos. Ena eu ran sokkono mei nom non kinikinin eoch non sokkonon an emon semwenin maram. Ika mwo mei wor ekkoch ekkesiwin non an emon semwenin maram, **ese wor pisekin pwaarata pwe ewe apwosun COVID-19 mei ousukosuka angangen pwopwo**. Ekkesiwin non otun omw semwenin maram mei tongeni pwan ekkesiwini fansoun omw tongeni pwopwo. Epwe ekis weires an emon epwe sinei fansoun an epwe epetei ika oota an epwe pwopwo ngeni ekkewe rekan chek anongonong won ekkewe epetin pwopwo sikan pwisin fori. Fos ngeni noum ewe tokter faniten omw semwenin maram me omw kopwe pwan kaio ngeni kokkotun famini ren pekin epetin pwopwo.

Kapas Eis: Ewe apwosun COVID-19 mei tongeni ousukosuka ekkewe epetin pwopwo?

P
e
n
u
w
a
n:

Meren ewe Planned Parenthood ika Nenien Aninnisin Epetin Pwopwo, ese wor pisekin pwaarata pwe ewe apwosun COVID-19 mei ousukosuka manamanan ekkewe epetin pwopwo. Ren iei, ese mwo wor esinesin meren ekkewe ra apwos ika ar kewe epetin pwopwo ese chiwen manaman mwirin ar apwos. Ika mwo mei wor esinesin ren ekkesiwin ren an emon semwenin maram, ese pwan ousukosuka ekkewe epetin pwopwo. Mei tongeni an epwe aweiresi an emon epwe tumwunu me sinei fansoun epwene semwenin maram me tongeni pwopwo; ekkewe rekan chek fiti ngeni ekkewe epetin pwopwo mei pwisin wor, aweire ar sinei fansoun repwe tongeni pwopwo, repwe mefi weiresin ar repwe sinei inet ra tongeni pwopwo. Mei wor ekkoch anen an emon epwe sinei fansoun epwe tongeni pwopwo. Mei pesepes omw kopwe chuuri noum we tokter faniten ekkewe sakopatan epetin pwopwo omw kopwe sinei pwan ekkoch tichikin porousan.

Kapas Eis: Ewe apwos mei tongeni ousukosuka ewe sperm me esenipa osukosuk ngeni fan mesen mwan fansoun nisou?

P
e
n
u
w
a
n:

Ese wor pisekin pwaarata pwe ekkewe apwosun epetin sawmau, pachenong ewe apwosun COVID-19 vaccines, mei tongeni ousukosuka an mwan angangen apwopwo ika fori an epwe rit, ika osukosuken fan mesen mwan fansoun nisou. Eu [pekin kaio ngeni re kaio seni 45 mwan mei pochokun](#) re angeni [ewe mRNA apwosun COVID-19](#) re nengeni ar sperm, ren chochoon me mwekutukutun, mwan me mwirin ar angeni apwos. Ekkewe chon kuta me kaio ngeni rese kuna watte ekkewin ren ar kewe sperm mwirin ar angei apwos. Me nukun ei, [eu pekin kaio ngeni](#) aa kuna pwe ewe menun COVID-19 mei awora kukkununon an emon mwan tongeni apwopwo mei tori 60 ran mwirin an semwen. Pwchikar ren sakopaten samwau, pwan eu ekkewe esissinn samwau ren COVID-19, mei tongeni ekukkunano kaworan sperm. Ika mwo pwchikar eu ekkewe semwenin mwirin apwosun COVID-19, ese wor pisekin pwaarata pwe pwchikar mwirin ewe apwosun COVID-19 epwe ousukosuka kaworan sperm. Fos ngeni noum ewe tokter ika mei pwan wor omw osukosuk.

Kapas Eis: Ewe apwos mei tongeni ousukosuka IVF (Angangen Apwopwo An Ewe Tokter Ochufengeni sperm me sokun an epwe fis pwopwo)?

P
e
n
u
w
a
n:

Ese wor pisekin pwaarata pwe ewe apwosun COVID-19 mei ousukosuka an aramas fori ewe angangen IVF. Ekkewe pekin kaio ngeni ra kuna pwe ese wor ousukosukan ewe mRNA apwosun COVID-19 ren ekkewe IVF mei fisieoch. Eu [pekin kaio ngeni](#) aa kuna pwe ese wor sakkofesenin chon apwos me rese apwos ren ar puuru eu ekkewe angangen ioni sokun seni an ewe fefin nenien mwonukon, ukukun eochun ewe sokun, mammartan ewe mwonukon me non upwan fefin, ika pwopwo Ekkewe apwosun COVID-19 ese mwo ousukosuka angangen pwopwo, ika aweiresieno an ekkewe chon resin sossot ar repwe pwopwo. Chommong apwos mei toureoch fansoun pwopwo ika me mwan pwopwo, usun ekkewe apwosun matter, tetanus ika ewe menun samwau mei efisi mwechunon awach, me diphtheria. Ewe apwosun COVID-19 mei pesepes ngeni ekkewe 6 maram feita, pachenong ekkewe ir mei sossot ar repwe pwopwo.

Kapas Eis: Ewe apwosun COVID-19 mei tongeni esenipa an ewe inenap epwe turusenir noun?

P
e
n
u
w
a
n:

Apw, ewe apwosun COVID-19 mei eoch ngeni me mwan pwopwo, fansoun pwopwo, me mwirin pwopwo. Ese wor pisekin pwaarata pwe mei wattenno chance an epwe turusenir ewe inenap noun ika ee angei ewe apwosun COVID-19. Ese wor chommong nein ekkewe ra angei apwosun COVID-19 mei turusenir noun.

Mei chommong chon turusenir noun, napeseni met aramas ra ekieki, ina epwe ukukun [10 to 20 percent](#) chon pwopwo mei turusenir noun. Ekkoch aramas iir mei apwos mei tongeni turusenir noun, nge esapw seni ewe apwos - mei tongneni turusenir emon noun ika mwo ese apwos. Aramas mei watte ngenir menun ewe COVID-19 nepopwutan ar pwopwo mei watte chance an epwe turusenir noun. Ewe apwos, ina omw me an noum ewe eppetin ewe menun COVID-19.

Minen Aninnis

Centers for Disease Control and Prevention, "COVID-19 Vaccines for People Who Would Like to Have a Baby". 2022. Ka tongeni kuna me online ikei: [COVID-19 Vaccines for People Who Would Like to Have a Baby | CDC](#)

American College of Obstetricians and Gynecologists, "COVID-19 Vaccination Considerations for Obstetric-Gynecologic Care". 2022. Ka tongeni kuna me online me ikei: [COVID-19 Vaccination Considerations for Obstetric-Gynecologic Care | ACOG](#)

World Health Organization, "Questions and Answers: COVID-19 vaccines and pregnancy". 2022. Ka tongeni kuna online ikei: [Questions and Answers: COVID-19 vaccines and pregnancy \(who.int\)](#)

Mount Sinai, "Large Study Provides Reassurance that COVID-19 Vaccination Does Not Affect Fertility or Early Pregnancy." 2022. Ka tongeni kuna online me ikei: [Large Study Provides Reassurance that COVID-19 Vaccination Does Not Affect Fertility or Early Pregnancy | Mount Sinai -New York](#)

Churi noum ewe tokter en mei nukunuk non faniten met kopwe finata ren tumwunun inisum fansoun meinisin.